

ԻՆԸ ՄԱՍԱՆՑ ԱՆԱՊԱՏԸ ԸՍՏ ՆՈՐԱՀԱՅՏ ՎԻՄԱԳԻՐԵՐԻ

Պատմական Հայաստանի Արցախ նահանգը, որի կենտրոնական գավառներից մեկը միջնադարից հայտնի էր Զրարերդ անվամբ, հարուստ է պատմամարտարարական բազմաթիվ հուշարձաններով: Գավառի կենտրոնական մասում են դտնվում մինչև այժմ գոյություն ունեցող երկու դյուղեր՝ Կուսապատ (Կսապատ) և Մոխրաթաղ (այժմ Լեռնային Ղարաբաղի Ինքնավար Մարզի Մարտակերտի շրջանում): Այս դյուղերն իրարից բաժանված են անտառածածկ բլրա-

գրեթե ոչինչ չի պահպանվել: Եկեղեցուց քիչ հյուսիս-արևմուտք կանգուն է Ինը Մասանց անապատ կամ Ինը Մասունք եկեղեցին (նկ. 1), որը հիմնովին վերանորոգվել է 1881 թ.: Եկեղեցու հյուսիսային ճակատին, ներսում պահպանվել է հետևյալ արձանագրությունը.

Ի 1881 ԱՄԻ ՇԻՆԵՑԱԿԻ ՍՈՒՐԲ ՈՒՆԵՏՍ ԻՆՆ ՄԱՍԱՆՑ ՏՐՈՔ ԺՈՂՈՎԴԻՈՅ Ի ԺԱՄԱՆԱԿՅՈՒՅՆ ՎԱՐԳԱՊԵՏԻ ՓԻՆԱԶԵԱՆՑ:

Ավագ խորանի հյուսիսային կողմում կա մեկ այլ շինարարական արձանագրություն.

ՇԻՆԵՑԱԿԻ ՍՈՒՐԲ ԻՆՆ ՄԱՍԱՆՑ ՍԵՂԱՆՆ, ՋՍՏՈՒԽՍ ՍԶԱՐ ԽԱՆՈՒՄԻՆ ՎԱՄՆ, ՀԱՆԳՈՒՑԻՆ ԵՆԻՆ ԶԱՐՈՒԹԻՆ ԲԵԳ ԱԹԱՐԵԿԵԱՆԻ ԿՈՒՍԱՊԱՏ ԳԱՏ ԳԵՂՋ 1884 ԱՄԻ:

1881 թ. որոշ ուսումնասիրողների կողմից ներկայացվել է որպես եկեղեցու կառուցման թվական: Սակայն մեր կողմից տեղում կատարված ուսումնասիրության շնորհիվ գտնվեցին մի քանի մինչև այժմ չընթերցված արձանագրություններ, որոնց միջոցով բացահայտվեցին տեղի միջնադարյան գերեզմանոցի, եկեղեցու և վերջինիս հետագա վերանորոգումների ժամանակագրական մի շարք հարցեր: Այսպես, Ինն Մասանց անապատի տարածքից թվակիր ամենահին հուշարձանը եկեղեցուց արևմուտք գտնվող մի տասնամյակ է, որի վրա կա 1662 թ. արձանագրություն².

ԱՅՍԻ Է ՏԱՊԱՆ ՂԱՆԱՄԻՆ ԹՎ :ՌՃԺԱ: (1662 թ.):

Մեկ ուրիշի վրա՝

ԱՅՍ Է ՀԱՆԳԻՍ ԽՈՃԱՅ ԵՎՐԻՆ ԹՎ :ՌՃԿԹ: (1720 թ.):

Սակայն անմիջապես եկեղեցու մուտքի հարավային կողմի ամենաստորին շարվածքի անկյու-

¹ Ս. Բարխուդարյանց. Արցախ. Բազու, 1895, էջ 216—217:

² Դիվան հայ վիմագրություն, կազմեց Ս. Գ. Իսախանյան. պրակ 5, Երևան, 1982, էջ 94:




Նկ. 1

շարքերով և ոչ մեծ մի գետակով, որ հոսում է Մելիք-Խալաբեկյանների կառուցած բերդապարանքի մոտով և մոտ 500 մետր անց ձախից ընդունում մի մեծ վտակ, ստեղծելով դեղեցիկ հրվանդան՝ շրջապատված անտառախիտ խոր ձորերով: Միայն արևմտյան կողմից տեղանքը հրնարավորություն ունի հաղորդակցվելու շրջակայքի հետ: Ահա այդ վայելուչ կանաչ հարթակի վրա հնուց ի վեր եղել է եկեղեցի, որից այժմ

նային քանդակազարդ քարերից մեկի վրա կա 1605 թ. արձանագրություն.

ԱՅՍ ԳԻՐՍ ԳՐԵՑԱԻ
ՏՐ ՄԿՏՐՏԻՉՍ:
ԲՎ(ԻՆ) ՌԾԴ ԷՐ:



100 0 50 100 200 300
նկ. 2

Արձանագրության երկրորդ տողում Մկրտիչ անվան առաջին առ տառը անկասկած գրչի սխալ է: Պարզ է, որ այժմյան եկեղեցին վերակառուցվել է կիսավեր հին եկեղեցու պատերի հիմքերի վրա 1881 թ.: Հուշարձանն ունի միանավթաղածակ բազիլիկի հորինվածք, չունի ավանդատներ, արևելքում ավագ խորանն է. XIX դարում, վերջին վերանորոգման ժամանակ, այնտեղից բացել են մեծ շափի պահարանանման խորշեր, որ հավանաբար ծառայել են որպես գրապահոցներ, հարավային ճակատին բացել են լայն լուսամուտներ, մեկական լուսամուտներ կան արևմելյան և արևմտյան ճակատներում (նկ. 2): Հասնիքը հողապատ երկթեք ծածկ ունի, որտեղ տեղադրված են եղել տարբեր չափերի կարասներ՝ թաղի թեթևացման նպատակով: Դրանցից ոչ մեկը այժմ ամբողջական չէ: Եկեղեցին կառուց-

ված է կուպտատաշ և անմշակ քարերով ու երաշագիծով: Սրբատաշ են մուտքի անկյունաքարերը և կոնստրուկտիվ առավել պատասխանատու սասերը՝ թաղակիր կամարն ու բմնասյուները: Եկեղեցու արևելյան և արևմտյան ճակատներին արտաքինից տեղադրված է մեկական մեծ գեղաքանդակ խաչքար (առանց արձանագրության), որոնց զարդամոտիվներն ու բնդանուր ոճը բնորոշ են XII—XIII դարերին: Այս թվագրումը հաստատվում է եկեղեցու հյուսիսային պատի վեճրին մասում, ներսից ազուցված մի նմանատիպ խաչքարի վրա (խաչի ստորին մասում) եղած արձանագրությամբ.

ՈՂԳ (1244 թ.) էՐ: ԵՍ ՀԱՍ
[ԱՆ] [ԿԱՆ] ԳՆԵՑԻ ԶԵԱՉՍ

Այս և մյուս երկու խաչքարերը խիստ ընդհանրությամբ ունեն անդամ առանձին մանրամասներում. երեք խաչքարերն էլ խաչի վերին մասում զարդարված են նույն քանդակներով: Հուշարձանի շրջակայքում այլ խաչքարեր չեն պահպանվել և պարզ է, որ փրկվել են նրանք, որոնք տեղադրված են եղել հուշարձանի պատերի մեջ տարբեր տեղերում: Այսպիսով ապացուցվում է նաև տեղում միջնադարյան զերեզմանոցի առկայության իրողությունը, որտեղ եղել է նաև մի փոքր եկեղեցի (հավանաբար մատուռ), որն այժմ հիմնահատակ կոռծանված է, բայց որը անցյալ դարի վերջին տեսել է Մակար եպիսկոպոս Բարխուտարյանցը՝ ավերակ վիճակում:

Արձանագրություններից հետաքրքիր է եկեղեցու բարավորի վրա վիճագրվածը, որ կտրուցվում է ԾԼԱ (1082) թվականը և եկեղեցու անունը.

...նի ԿԱՐՈՅ ՍԲ
...ԻՆԻՆՆ ՄԱՍԱՆՑՍ
ԵԿ(Ե)Ղ(Ե)Ց(Ի)ՔՍ ...Ծ:ԼԱ ԴԱՏ...

Անպատիվ շրջակայքում փրկված է մեծ գերեզմանոց, որ կան մինչև XX դարի սկզբի տապանաքարեր, որ ապացույց է չին Մոխրաթաղ գյուղի գոյության մինչև այդ ժամանակները: Դուրառեղիք տարածվում է անապատից հյուսիս-արևմուտք, ոչ շատ հեռու: Այդտեղով է անցել հին կարևոր մանապարհներից մեկը, որ հուսապատեղ կապել է Հոռաթաղ, Մոխրաթաղ, Մարտակերտ ու այլ գյուղերի ու բնակավայրերի հետ:

Ա. Ա. ՔԵՐՈՅԱՆ

3 Ս. Բ արխիտարյանց. Նշվ. աշխ., էջ 216:

4 Հուշարձանի շավաղրությունները կատարել են Վ. Զարյանը, Ս. Կարապետյանը և Ա. Քերոյանը: